

石刻史料新編

第三輯

(二九)

新文豐出版公司印行

地方類

河南省

滑縣碑志	一卷	民王蒲園纂	0	0	1
滑縣金石錄	一卷	民王蒲園纂	0	1	5
河內金石志	二卷	清方履錢輯	1	3	9
修武金石志	一卷	清孔繼中撰	2	3	5
修武金石志	一卷	民蕭國禎纂	2	6	5
孟縣金石志	一卷	清馮敏昌撰	3	3	1
孟縣金石志	一卷	民阮藩濟修	4	4	7
陽武金石志	不分卷	民耿惜纂	4	8	3
洛陽金石錄	一卷	清魏襄同撰	4	8	7
陝縣金石志	一卷	民韓嘉會纂	5	1	3
洹洛訪古游記	二卷	民羅振常著	5	2	7

題嵩洛訪碑圖	一卷	清翁方綱撰	589
嵩洛訪碑日記	一卷	清黃易撰	595
宜陽金石志	一卷	清劉占卿纂	607
登封金石錄	一卷	清陸繼萇纂	623
澗池金石志	一卷	清楊甘聲撰	655
閩鄉金石志	一卷	民韓嘉會撰	679

民王蒲園纂

滑縣碑志

wt47/11

滑縣藝文錄卷七

碑誌類

贈太傅左僕射賈耽神道碑

唐鄭餘慶

公諱耽字敦詩其先長樂人也七代祖元楷因葛榮之亂避地始居於浮陽隋開皇中改浮陽為清池今為清池人也公天寶十載明經高第乾元中授貝州臨清尉州縣之職與公非宜兵戈甫興時不韜才公詣闕獻書授絳州太平尉太原節度王思禮察公器重識高涵泳萬頃署度支判官遷至檢校禮部郎中凡歷外郎兼太原少尹侍御史北都副留守仍賜金章紫綬加檢校禮部郎中凡歷數使賓待益重奇才愈茂弘器日彰天下士君子推公為棟梁遷汾州刺史在郡七年拜梁州刺史兼御史中丞山南西道節度觀察度支營田等使在鎮三年徵拜工部尚書職崇喉舌望允台鼎俄以本官兼御史大夫東都留守判東都尚書省事充東都畿汝州都防禦使又加東都畿唐汝鄆州都防禦觀察使

滑縣縣志

卷七 藝文 碑誌

河南商務印刷所承印

舊例居守不出王城公以射藝絕倫氣橫秋霜德宗知公信在言前優詔特許薄狩郊甸允所謂圭璋特達之德也遷檢校尚書左僕射義成軍節度鄭滑等州觀察處置等使屢有鄰師戍兵護邊魚府錫冠異軍三千公弛柝罷警門闔洞開慮其未安重延廊廡坦易信誠擬出今古海濤山峙茫茫屹培塿映洳安得不服其洪濤峻嶠歟凡更四鎮踐履如一尋以風疾懇形封章御札名方與千金之醫馳賜不允陳讓俄而獲瘳貞元九年入覲拜尚書右僕射同中書門下平章事朝廷為之寶岩廊為之重加金紫光祿大夫轉左僕射遷檢校司空依前左僕射平章事遂嬰風疾四表陳讓不愈朝旨御醫盈門中使填路嗚呼有盛衰也有晝夜也聚散之理常也死生之變大也愚智同塵賢不肖共轍孰能究之哉公以永貞元年十月一日薨於長安光福里之私第享年七十六輟朝四日再贈太傅詔蔡長安高陽原公翫習經籍老而不倦九流百氏靡不該覽通夷裔之風俗盡山川之險易歷代沿革之自百王廢置之由聚米畫地

成於指掌貞元十四年冬撰海內華夷圖成并撰古今郡國縣道四夷述四十卷貞元十道錄四卷賜馬兩匹銀器事錦綵五百疋又出銀棊二蓋殊深也

贈太子太保姚公神道碑

唐權德輿

公諱南仲字某吳興武康人公曾王父績仕絳州曲沃縣令王父玄宋州宋城縣令烈考發天寶中舉秀才十上不合慨然自奮從西平王哥舒翰於隴上積功至右領軍衛將軍他日以公之勤贈國子祭酒公抗行厲操清方謙儉以規為軫以禮為輿以多文為富以不貪為寶自射策筮仕至於綏吉蘇啓手足絲是道也興元歲上以靈昌居兩河之郊鄭為支郡是皆要害且今勁兵處也自丞相魏國公政成入弼厥後守臣再物故而魏公之澤寢遠思得寬明忠智之長以輯柔之惟公左散騎常侍御史大夫為滑州刺史鄭滑節度使於是握兵符乘單車惠然簡易入布條教恤縹寡用仁制強禦用明居常以柔克臨事以貞勝士吏悅勸夫家寬息阜俗成師納忠閑邪衆情皆懼而公益厲十六年介

滑縣縣志

卷七 藝文 碑誌

河南商務印刷所承印

圭來朝宰讓師師繇是詔魏公以左僕射居相府命公為右僕射公既得請命其軍司慮羣以代焉為仁由己是稱方國之表知臣者君乃膺師長之任十九年秋七月乙亥感疾薨於宣平里第享年七十五天子廢朝悼歎俾中貴人弔祠追命為太子太保恩之所加可勝言哉

河南少尹裴公墓誌銘

唐穆員

唐貞元八年冬十月二十有八日前河南少尹裴公諱濟字莊時春秋五十卒於京師靖安里之旅舍明年夏四月葬於絳州聞喜縣之故原從先公居禮也高祖懷節皇朝洛州刺史生太父少卿昭昭生蔡州刺史剛剛生扶風郡雍縣令據公則雍縣府君之長子也生而穎秀長而博辯質如瓊枝文如春林尤長記誦之學天寶末學優藝全方登俊造之貢襄陽節度使來琪表襄州參軍事屬有勢勝而理負與人爭官者州府畏之公時攝功曹據守文與直不為之撓琪嘉其所執升之賓介有疑焉輒以咨之他日琪自相位獲譴已而伏誅門吏

逃難解散公與陳郡殷亮始冒危於保衛終毀家於葬喪君子難之故司徒李勉聆公之節辟以為屬自江西入尹京兆洎節制廣滑汴三府以公明可折獄利可撥繁權可瞻給清河澄察而武可臨戎官歷金吾孫萬年尉三御史二尚書郎以至於御史中丞職更推官洎度支觀察二判官以至於行軍司馬公之奉李公也若體從心李公之任公也若素受采厥後李公能鎮河兩少尹故孜孜勵精貳前後之政與我同志者必以吳公李膺之名歸初公之在滑也方屬兩河之警不敢以非疾之憂始於高堂堅請退閑亦既終養其在汴也有二千石結根貴幸怙寵傲慢收小惠於下墮大計於上公數其不供之咎請以去之而未行拂衣自免未幾彼果顛覆李公於是厚禮還公且有中軍中憲之授蓋進退終始不違於道多此類也

故安州刺史杜鵬舉神道碑

唐楊炎

受正性者德之元鑿重侯者業之盛君子體仁以合德積厚以感通著於神明

滑縣縣志

卷七 藝文 碑誌

三

河南高郵印刷所承印

光於祚胤者其惟杜公乎公諱鵬舉字某其先京兆人也七代祖諱模後魏為濮陽守衛人宜之子孫世居東郡故今為濮陽人夏有象龍之官周封唐杜之國世載侯伯勳藏晉魯周公錫命玄旂火龍拯三代之衰參五霸之業斯保性之始也漢有建平侯策定中興晉有當陽侯克并南夏其食鄴鄆口西郊之蔽冤其分邢濮祚東國之山河斯不朽之宗也濮陽生陳留太守諱亮陳留生高祖北齊膠州刺史竟陵公諱加竟陵生隋雁門太守諱保雁門生大父唐蘇州司馬諱義寬蘇州生皇建平侯荆益二州大都督府長史諱慎行洎貞孝公秉哲以輔先朝令黃門戴天以成大業自魏七代以方岳登聞在唐兩朝以臺衡致理斯邁種之仁也公貞孝之兄黃門之孝天修其爵地富其才神抱虛口智藏著蔡口目河海儀型嵩華學可以掌邦教詞可以宣國風少與范陽盧藏用隱於白鹿山以太夫人有疾與清河崔沔同受醫於蘭陵蕭亮聲色之微以誠達疵癘之祥以氣變屬先府君作鎮荆楚有詔門子親侍禁闈起家修武縣尉

歲滿以書判超等授濟源尉以正議登朝拜右拾遺昇玉堂以謁聖君陳格言以利天黃門侍郎張廷珪國之髦碩洛州刺史皇甫知常人之標華美六志行嘗與請交公精義入神洞究澳頤初睿宗踐祚冥感祥符觀玄期於化元啟成命於幽教人所以行非常之運天所以歸億兆之心玄宗時在東宮表公所言請編史册時應令賦詩御札批云畢公之任諒籍伊人思入風雅靈通神鬼後以親累出為岐州司倉轉同州司士開元初以中都稍食省河清之徭大農器用賦管山之鐵牧馬於歸獸之野考室於迎春之宮關中始置疏決鹽鐵長春宮三使詔以公為判官明年天子東行河隄陳恪獸之場開濯龍之沼停鑾上苑留宴天泉酒酣樂過公賦詩以諷於是有采章之錫遷著佐郎太子佐贊善大夫都水使者邢王府司馬豐王府長史中散大夫安州刺史公為政在上位畏於上貞一以守之齋莊以蒞之其始也居右正詞王侯嚮慕其終也疏通簡易禮化舉行方將坐周召之堂陳歌訓之典法象魏登天庭而明德壽於終年

滑縣縣志

卷七 藝文 碑誌

四

河南高郵印刷所承印

壯圖悲於下國命矣以某年月日終於官舍明年二月葬於壽安之南原遵遺命也夫人河南郡君尉遲鄂國之孫卬州刺史瓌之女也抱含一之德友于君子受降神之祥克生元輔天寶四載終於山陽別業其終祔焉從周禮也長子靈瓊陳州太康主簿紹家祚而命奪其祿次子奉遙有異學而天喪其文荀陳同德顏閔齊化季子山南劍南道副元師特贈黃門侍郎同中書門下平章事衛國公鴻漸身負蒼旻氣和鼎任以符合斯運以道佐唐虞文繁訓謨化齊混象大勳格於皇極厚寵揚於祖考某府君先贈太常再榮師保夫人舊封宜陽增號某郡三錫桓公之命是每孟母之賢惟公立忠孝根仁義事親有極致之道執喪有宵戚之哀威廢輓咎愼忘誦讓其立身也冥觀天理合於幽鑿強志通於衆藝敏行求於古人考聲教觀歷象動合靈祇之質居順陰陽之和其達識也憂喜極中權利交喪歷官十二遠悔吝之形春秋七十地純精之氣其保終也君子謂探命歷誠也專藥膳孝也補衰職仲志之志也頌王風吉甫之才

也濟美樂武之德也有後藏孫之慶也宜乎正訓百代垂名千古存被先公之冕服沒爲天子之元老勒鐘鼎建廟堂金石以頌聲丘陵以表隧乃假詞末學觀德將來銘曰

於赫太師德音孔遐道之氣象物之精華文學鄒魯羽儀邦家選於帝廷帝廷有儀聞於宮府宮府允釐明晦光耀際含天機識眞紫極建旗青蒲熊負金印地盤朱組時哉功名海變今古精魄歸復宜陽下土我有家嗣爲王寶臣德延後世功被生人岸谷磅礴丘陵故新蒼蒼頌石萬世遺塵

文苑

按乾隆丁丑滑縣志流寓杜鵬舉註云舊志脫簡殊多鵬舉名列流寓而不詳其事今按唐書鵬舉與廬藏用隱白鹿山在今輝縣後官至安州刺史未嘗寓滑不知舊志何據姑存之以俟博雅今據文苑英華所載此碑文鵬舉其先京兆人七代祖模後魏爲濮陽守衛人宜之子孫世居東郡故今爲濮陽人則舊志列入流寓尤爲名實相符因五代以前之濮陽均在滑境也至

滑縣縣志

卷七 藝文 碑誌

五

河南商務印刷所承印

開州志藝文內亦錄此碑文並列杜暹杜鴻漸於人物名臣內皆引唐書本傳以唐之濮州濮陽人入於五代以後所移治之濮陽則名是而實非矣

故文淵閣大學士國子監祭酒宋先生墓誌銘 明劉三吾

國子祭酒宋先生卒既往哭弔居數日博士吳守德持學正朱維嘉所狀先生行實來曰先生嗣子麟疾在苦次不得跣以請茲將歸窆滑之永甯阡惟翰林兄長吾與先生爲同舍故懇銘焉尙憶走始來時會先生於春坊先生曰得毋與劉長吾爲弟耶不然何面貌之似也相與感歎久之嗚呼先兄以後至元丙子入監周旋十有五年中間纔兩歸江南爾在監舍法以同時爲弟以弟弟相知爲世契則走於先生忍銘忍不銘按狀先生姓宋氏諱訥字仲敏世本衛之山陽人徙滑家焉兩世絲黹恩贈嘉議大夫禮部尙書下輦車都尉追封京兆侯諱德仁其曾祖贈中奉大夫河北江南等處行中書省參知政事獲軍追封京兆郡公諱瑄其祖官中奉大夫陝西諸道行御史臺侍御史贈推誠秉

義守正功臣通奉大夫江浙等處行中書省參知政事護軍追封魏郡公諡忠肅諱崇祿其父忠肅在元時數歷中外四十餘年五持憲節逮事七朝豐功盛德所以壽後衍慶神道碑紀之詳矣先生濡染家教動以矩矱雅性運重不妄言笑尙貴肯館以來所師宗工碩儒月聞日益卓然有成擢科登仕爲時聞人

中經驛驢乃被褐懷寶以自縉晦皇明受祚徵詣公車召見有言動聽洪武之十二年也是冬除國子助教橫經發難擊節塞學者如客得歸嘗同諸儒應制撰敕文昇僧道錄司領教事者十有六通操筆立成雅稱上意超授翰林學士奉議大夫俄陞文淵閣大學士日見親信有所補拾會建大學成中外歲貢學徒日夥而職大司成者往往懼儒師生相訐教化不行宸衷簡注擢爲祭酒降朝列大夫以儉正前弊上自製誥詞至以尙父與周八百擬之感惟眷遇所以提絜錙鏤不遺餘力師道既立呈心載甯乙丑戊辰兩科得士率三天下之二而龍頭魁選博在太學大被賞遇一日有疾上遣中使致諫其略曰卿秉天命之性發仲尼之誠施己之幽德修道教人所以病不病而速差以其有神也天章下賁光輝儒紳恒謂祭酒骨格必壽適有書工至命繪其像尙焉喜溢天表然終老之日以其子麟主望江簿特勅召之還俾使侍養其被遇優渥類此方倚之以棟梁我道楷式諸生也不謂得疾旬日遽不可起病也尙醫來治卒也遣官致祭其文悉上所自製故事文臣四品無給喪費者曠典之舉助自先生斯皆異數也居常寢食恒在廂房未嘗一宿於家及是疾革麟等託諸監官懇請其還屬聲曰是何風雲氣少兒女情多現在丁社兩祭齋戒中耶至是祭畢乃就昇歸一不口及家事及家氣絕焉二月之三日昏暮時也嗚呼先生以八秩之年當易賁之日而風雲爲氣不少衰丁社兩祭始終齋戒是特非其平日操存有素詎能方寸不亂若此哉可謂真大丈夫矣撮其平生所聚集先世碑銘傳記曰紀德錄一集所自著述曰西隱集西隱者公之別號也所居別墅曰白雲茅屋自法書名畫外他無所好中朝名鉅公詩若文讀一二過輒能記

滑縣縣志

卷七 藝文 碑誌

六

河南商務印刷所承印

憶不減少時今皆已矣生以元至大辛亥十二月四日卒以今洪武二十三年春壽八十配康氏先卒子三人長衍祖即麟擢進士第拜監察御史出主望江

郭謹次陳維新次李均一在室曾孫男女各二皆幼臨發柩時上再遣祭舟車之費一出於官可謂生榮死哀也已銘曰

銅臺世家忠肅公挺生賢嗣遭時雍身逢堯舜接襲龍代言文淵掌辟維維皇
上倚眷注隆率先條約自其躬風雲氣概冰霜容教行六館諸生從金石文章
錦繡胸蔚爲海內諸儒宗譽髦多士振文風棟梁我道伊誰功大何一疾遽罹
凶至尊爲之惻淵衷命醫與祭恩禮豐年登八十善考終歸窆祖塋得陶宮銘
阡者青藜翁子孫世世其吉逢

故中順大夫通政使司左通政張君墓誌銘 明張天瑞 清平人
弘治歲在戊午冬十月八日中順大夫通政使司左通政張君以疾卒於其家
滑縣縣志 卷七 藝文 碑誌 七
其子虞鳳哀毀中爲狀介予以誌銘請義不得以不文辭按狀君諱璞字蘊玉
靜齋其別號也系出梁天監中學士張襄之後唐宋以來多文人顯者歷宋元
有爲都護府萬戶侯者世居河南之偃師高大父得山天資英邁當元季率衆
歸太祖高皇帝歷軍功授武德將軍因占籍於古滑州之沂坊春曾大父諱景
初亦以忠義授穎川衛總旗大父諱禮父諱恕號侃齋母李氏君生而穎秀爰
自就外傅補邑庠讀書日能數千言爲文字有奇氣身長如立竹聲歎如洪鐘
有識者見其神清氣充早識爲瑚璉器也既而果以壁經領成化乙酉鄉薦登
戊戌科進士第被選入翰林院爲庶吉士文行之卓操存之遠爲館閣諸先生
所器重噫仕即分祿以養親庚子授禮科給事中多建白癸卯擢通政使司右
參議陪奉政大夫夙夜匪懈歎陳明暢清聲激殿陛左右甲士聞其聲即歎
然曰此張通政也丁未進左通政尋膺詔命封其父恕如已官母封太恭人配
李氏贈恭人繼娶趙氏亦贈恭人一時榮慶縉紳赫然丙辰奉使甯府行冊封

禮饋遺不受旋嬰微疾累月弗事且疏請歸就醫藥上特允有病瘥起用之
命皆殊恩也至是竟不起距生於正統壬戌年八月二十有八日得年僅五十
有七君天性溫厚禮度閑雅事父母友昆季遇親黨御章僕交友朋孝悌慈義
一出於忠誠遇事侃侃抗言不少屈爰自翰林歷禮科歷通政處僚案如兄弟
然後先廿餘稔如一日於乎器宇之雄抱負之偉操履之端如君者而遽止於
此可哀也已配李氏繼配趙氏側室王氏子男二長即虞鳳甯山衛指揮使次
岐鳳肆舉業女一尙幼卒之明年五月二十六日葬於邑城之外龍潭之右從
先兆也銘曰

偉矣銀臺殿林玉樹瑚璉之資廟堂之器心存易直行履端方柔而克立懦不
吐剛子有鳳雛配有賢助人望淵長天胡嵩祚龍潭之右形魄攸甯文諸珉石
垂百千齡

賜進士第右春坊右中允經筵講官兼太子講讀同修國史官清平張天瑞撰
滑縣縣志 卷七 藝文 碑誌 八
承德郎禮部儀制司主事兼司經局正字浚暉書丹并篆蓋弘治十三年歲次
己未五月二十六日鑄石

萬曆四十三年修碧霞元君行宮碑 明胡 權 字英甲 邑人
邑東南鄉二十五里韓家村碧霞元君之行宮在焉元君之自諸說各殊有謂
符石女貌端性穎嘗禮西王母十四歲入修天空山黃花洞者其說見之玉女
卷有謂天孫召人魂魄知生命長短者其說見之博物志有謂黃帝嘗建岱岳
親遣七女雲冠羽衣焚修以迓西崑真人元君蓋七女中之一修而得道者其
說見之瑤池記然亦未知孰據總之元君廟在東獄絕頂稍前獄藏濟陽之氣
位五行之首諸獄宗焉疑所謂元君者以萬物始生於東贊蒼穹以敷化故能
天侔地若斯之顯赫也自東獄有廟而世之奔走東獄以香火元君者不可以
數計弗能奔走東獄而象方爲宮以望於元君者廟又不可以數計吾邑東南
韓家村鄉耆韓邦彥秦羅顯呂克明等相聚族而言曰世之奔走東獄香火元

君不可以數計吾曹亦世上人願爲之首亦歲歲朝見元君焉又曰世之不能奔走而象方以爲宮廟又不可數計吾曹之鄉無元君之行宮焉願爲修治即將進駕所餘之貨日爲出放數年間積餘其多於萬曆丁未春修治元君廟貌正殿三楹不數日而工成丹堊金碧幾模嶽頂矣凡入斯廟者各有所願吾曹無他祈惟人無天札無生忿恚而已乃復琢善化之石屬不佞記姓氏不佞亦嘗登泰山云見有事於元君者日何止十萬人訊之固各有所願也貧者願富疾者願安農者願歲賈者願息未子者願嗣往靡不願而神亦靡誠弗應其無所願而往十萬人不一人焉藉令十萬人中一人必其人之異而神休所獨注者余因歎熙熙穰穰世人之情也諺云桃李不言下自成蹊信然耳今諸耆無前類者之願而獨願人各攸好德享有平康斯不亦所願者大而神休獨注乎以是爲碑或亦可矣遂屬不律付之攻石氏時乙卯夏六月十一日

賜同進士出身文林郎山西太原府榆次縣知縣胡權撰

滑縣縣志 卷七 藝文 碑誌 九

滑縣令強忠烈公墓誌銘

清劉廉樹 撰

月三強公與予同仕衛郡公既殉難之明年其子逢泰望泰以墓誌請爰就所知謹述之公諱克捷號樸齋月三其字世居同州府韓城縣治南三十里趙莊曾祖諱之魁祖諱如權父諱京諱國學生昆季三公行三性質敦厚穎悟過人入覺宮後肆力經史講忠孝大義英氣輒勃見於面幼失恃奉繼母以孝事寡嫂以敬待弱弟以友愛乾隆六十年乙卯登賢書課徒不間寒暑大旨以明人倫爲宗嘉慶十三年戊辰成進士以知縣分發河南候補丁繼母憂回籍講學於象山下紫雲觀益崇篤實之誥從遊者甚衆服闋仍赴豫十六年辛未十二月知滑縣事出所學以爲政嘗與友人言忠國莫如愛民但苦才鈍所恃者此心無他耳清以礪操慎以勤政淡以平氣樸以全天汰陋規興文教救荒卹早剔弊釐奸未二載仰若父母十八年癸酉秋近畿有逆匪白蓮教林清潛著異謀滑邑同教李文成牛亮臣等隱相固結約九月望日起兵應之勢叵測公

密訪得實九月六日即率丁役往捕盡獲渠魁碎其兩踝置之圍圍定於次日解省治罪而其黨更相喧嚷即以是夜四鼓劫獄入署當是時署內外賊衆無慮數千腰刃手挺張白幟列火炬鼓噪聲徹於郊公慷慨奮興攘臂躍馬而出率快役毛天榮家丁祁陞等直前搏戰轉至南關身已經數十創猶揮戈斃賊多名卒以力屈死關署被害惟兩子逢泰望泰回籍獲免自公以身殉國而李文成等終以不及期敗露不得與林清合林清失外援雖竊發未克逞其兇不旋踵與曹邑徐安國等皆就撲滅向非公先期首發懲其魁而擊其奸彼傳火狐鳴之徒將爭鳴於燕趙齊豫間而喘且蔓延矣嗚呼生逢盛世摩義漸仁與斯民歌詠太平臣之幸也即不幸而捍大患禦大災至死弗避亦臣之職也而當逆迹未萌出萬死不顧一生之計使不軌之徒烏駭獸解救生民稟社稷謂非智歟勇歟若公者可謂不負所學矣配張恭人聞變不懼視死如歸長媳徐氏志凌冰霜罵賊死不絕口此又公修齊之教及於閭閻而能以大義相淬厲

滑縣縣志 卷七 藝文 碑誌 十

河南商務印書館承印

也事聞奉上諭強克捷首破逆謀功在社稷賜諡忠烈以知府例賜卹給祭葬銀各如例入祀京師及本籍並滑邑照忠祠並特建專祠淑配張氏賜恭人孝媳徐氏諡節烈恭人建坊從祀長子逢泰三代世襲雲騎尉襲次完時以恩騎尉世襲罔替次子望泰賞給舉人一體會試賜進士以翰林院庶吉士用加韓城文武學額各廣五名帝眷崇隆褒封赫奕所以獎勵臣子者備至後世聞公之風有不感而興起歟公生於乾隆二十六年辛巳十一月二十六日戌時卒於嘉慶十八年九月初七日春秋五十有三恭人爲張公慎女生乾隆二十五年十一月二十二日卒嘉慶十八年九月初七日春秋五十有四丈夫子二長名逢泰娶徐公雲衢女即節烈恭人次名望泰娶生員杜公鳴鶴女女子四長適段公福海子生員乘離次適監生劉公得遇子有恒三適監生王公賜業子國傑四適殿公振璽子三升卜於嘉慶十九年十二月初四日辰時葬於本籍某處王山丙向銘曰

處爲醇儒出爲名臣一門節烈功著彝倫龍門光煥鳳詔繽紛諸曠石草木
長春

楊村重修玉皇上帝廟碑

清楊本昭 邑人

天下萬物各有一主宰心是也天下萬物之心各有一主宰上帝是也何言之
今夫天專言之固道也以形體言謂之天以性情言謂之乾以妙用言謂之神
以主宰言則謂之帝夫萬物本乎天帝且爲天之主宰又何論乎萬物之心又
何論乎靈於萬物者之心然心當有生之初帝固主宰之以隱爲降衷心在有
生以後帝尤主宰之以默爲降監詩不云乎皇矣上帝臨下有赫大明之詩曰
小心翼翼服事上帝又曰上帝臨汝勿貳爾心言其究之詳也則曰帝度言其
命之詳也則曰帝謂由是言之衾影屋漏之地皆帝也隱微幽獨之中皆帝也
一念之善亦足動上帝之懷一念之乖亦足干上帝之怒若是者何也心在即
性在性在即命在命在在天在天在即帝在修吉悖凶理固然也帝豈容心於
滑縣縣志 卷七 藝文 碑誌 十一 河南商務印刷所承印

其間哉予村舊有玉皇上帝廟屢頽屢修今又革而鼎矣屬余攝管記事余惟
詳推上帝主宰之實而時事則徒略焉蓋亦寤夫徒知敬帝於廟而不知敬帝
於心者

整村王君墓表

清姬 漢字 吳人

人之視躬而葆其天者性爲之也學爲之也性不篤則其行僞學不固則其行
虛而嗜好紛之而習俗誘之而艱苦奪之而倉猝撼之鮮有不震動而變遷莫
能自主者若整村守此墓殿矣整郵舉道光丙午孝廉世業儒滿訊耀清公季
子也幼好學廉介自勵而大不廉於嗜古寢饋卷軸晝夜無少輟經旬足不履
戶外慷慨嘯詠聲出金石家室蕭條弗計也尤遂於易悟盈虛消長之理非徒
事咕嗶而務於進退動靜間身驗之故與之接者或憚之而懷不敢犯抑或欽
其手采而以爲和易之可親而整村自若也樂引掖後進宗族鄉黨間問字者
日常接踵至其教人以文藝爲後以力行爲先坐作語默靡不示之則而動以

古義相規誠管攝門人及子弟負笈登臨攬洪水蘇門之勝心好之而下廬於
青岩山以爲講學所疊石編茅葦相肄業其中歷數年如一日焉嗟乎世之學
者競趨浮華以詞章聲譽相標榜本實先撥所性不存以視整村之潔清自好
襟懷落落身世自有真我而非一切所能加損者其相去爲何如也是豈性之
所近歟抑亦學有以成之使然歟今整村逝矣整村固遠於易者也易之辭曰
高尚其事又曰蒙以養正吾將於整村策之咸豐二年歲次壬子四月上浣原
陵姬漢撰文受業秦寶林書丹受業康兆民校字

清魏惠倫 字大鶴 號東里 邑人

邑侯襄坡秦公去思碑
臨淮大尹去尙攀轅北海司農歿猶奉祀此有由然非倖致也竊維爲政首在
愛民移風莫先重士褒德侯視民如子民不忍欺文翁以詩書化蜀學校之盛
比於鄒魯其明驗矣邑侯襄坡秦公以道光十七年南召任滿來臨我滑下車
伊始即問民間疾苦興利除害計歸久遠縣治東南隅舊有歐陽書院自滇南
滑縣縣志 卷七 藝文 碑誌 十二 河南商務印刷所承印

雲樓胡公卸篆後章程廢弛公特延名師督課案牘之暇屢進諸生面加訓誨
公之遺澤在人心者誠未可以言語罄也而一二大端士民尤誦思弗衰彼夫
南國之人不忘召伯襄陽之衆垂涕羊公流風善政千載一時公蒞任數載與
民休息未嘗矜才使氣及斷一獄除一暴往往令人感服泣數行下秦鏡朗懸
固邑人所以誌愛也神明有目上虞長之政嚴圖畫留形浚儀令之德普其仁
哲有如此者乎丁酉秋熟未獲有蜚蝗民大恐公出郊審視祭以蜡禮竟東西
散虎雖爲患曾負子而渡河蝗亦能灾感化魚而入海其感被有如此者辛丑
河決祥符州縣各輸糶料助工輦送二百餘里未易猝辦公給民料價按道里
遠近給民車價派令公正紳士分任之民不知勞而事克舉納結納穗除其制
依然禹貢之遺上地地下地辦其方不改周官之法其因事制宜實惠及民有如
如此者邑之文廟自嘉慶二十年重修殿廡無恙而宮牆頽圯公捐廉若干金
又募得若干金葺而新之周圍數百丈不日告成八門誰式空勞武叔之肩進

廟有碑共說韓公之蹟其尊崇聖道有如此者縣試童子軍常滿千人舊在署內幾不能容風晨雨夕席號又不足恃公慨然曰此豈所以重士耶於是首先捐廉創建文場都人士奮於義而急於公也不數月得金若干下地於歐陽書院後面規模宏敞几幾整齊復以餘貲修補書院講堂後以試士前以育才至善也金針暗度聽馬帳之談經玉尺量材望龍門而登足其培養士類有如此者蘇東坡云有文不朽蓋求諸古今富貴壽考之人未易多得矣文章日富著述孔多客遊詩草樹柏山房文集膾炙人口四書註說輯要一編尤關身心性命杜陵千首借抒國士之心鄴架萬篇可補儒林之傳其追踪古人嘉惠後學有如此者公賦遂初有年所矣而士民誦思言之不足而長言之長言之不足而詠歎之何深且遠也抑又思之公以名進士來豫甲午乙未庚子分校棘闈三科榜首背出門下非至公且明何以致此然則公之所以致人誦思者其至公且明不盡如斯耶公之遺澤固不賴斯石以傳而里之人不能自己抑欲使

滑縣縣志 卷七 藝文 碑誌 十三 河南商務印書館承印

數百年後流連景慕於此可見丰采人思可愛之日地留有脚之春不與攀轅奉祀同一愛敬無已也哉爰濡筆而為叙公名敦源字深齋襄城其號湖北漢川人嘉慶丁丑進士

中召鎮重修清源廟碑 清魏惠倫

凡有功德於民之敬之雖國家載在祀典猶欲於桑梓間立廟致祭以自盡其如在之誠然而莫為之前雖美弗彰莫為之後雖盛弗傳閉管走通都過大邑以及山僻林表見夫荒祠古刹零落凋敝訪諸土人類不能道創自何代建自何人摩挲古篆又殘缺不可考撫今思昔感慨係之矣吾邑東北去城七十里中召鎮舊有清源廟內祀關聖帝君妙道真君像右建財神行宮規模宏敞用昭尊崇每至其地輒瞻仰徘徊而不能去考諸遺文蓋自明至今屢廢屢興數百年間不至蕩焉無存乃者二三衿士與鎮之耆衆事神加謹謂與其張皇於既壞何如整葺於未圯鼓勵重修不數月煥然一新為志之同而功之易歟

余與本鎮多親故與其父老遊覺古道照人而篤而之士比比然也則即其事神之謹而知其人心之醇即其人心之醇而知其風俗之厚由是述先志啟後人繼繼承承永傳無替矣越今勒石紀事囑為文因誌向往之意如此至於神之功德浹洽民心豈後生小子敢以管蠡之見妄加窺測哉且神之功德炳耀天壤又豈待後生小子以管蠡之見窺測於萬一哉

隋趙昱幼而英敏智勇為時輩所託已而從道者李匡隱青城山場帝聞其賢起為嘉州太守州左有冷源河內潛巨蛟每春夏作勢使水泛漲漂蕩民田廬昱怒列舟船率甲士千人夾河鼓譟自操刃入淵頃之水盡赤奔吼如雷昱竟持蛟首躍波而出時年二十六歲也隋末隱去不知所終後嘉陵水漲蜀人見昱雲霧中騎白馬挾弓彈馳驟波面往來若驅駒之狀於是水不為災民立廟江口而奉祀焉唐太宗慕其事奇偉封為神勇大將軍明皇帝幸蜀加封赤城王宋真宗時益卒亂遣張乖崖往治乖崖禱於祠前及對聖時

滑縣縣志 卷七 藝文 碑誌 十四 河南商務印書館承印

見昱靈威爛爛遂克之因急請於朝其曰清源妙道神君則其所崇奉之號也至於二郎之名特俗稱耳 清魏惠倫

順天府尹奏准旌表滑縣忠節士民碑 清魏惠倫
皇上御極之八載環海波澄綿區瑞輶掃機槍之逆饒雲爛星輝清慧宇之餘腥民康物阜梯山航水千百國重譯來朝若石苞桑億萬年根基永固而猶寅承為念子惠勞心既崇德而報功復獎忠以厲俗大帥靜而能鎮位冠百僚諸將奮不顧身爵膺五等嘉庸功之克奏自有典常示大造之無私何論貴賤侍臣篆筆表下民養義之心天子臨軒矜壯士成仁之節幸際恩垂湛露兆姓同霽敢云才愧勒石一辭莫贊憶夫蒼鵝遍野青犢成羣滿目妖氛釀成珍氣狂風刮地飄零一縣之花飛雪洒空折落萬家之柳由是義旗高舉歎血同盟倡之者垂涕而陳應之者荷戈而起雷轟電擊聲喧孤子之濱兔走狐奔追出澗淵之境既執俘而獻誠將堵穴而犁庭不意蠢爾么麼依然嘯聚謂指揮之可

定復跳躑其奚爲乃因輕敵之心遂陷返吞之計名家子弟盡在戎行大姓資從親摩敵壘忽驚矢盡尙能奮手殺人無奈路窮不肯曳兵退走一門爭死三尺何歸此真義若申胥見之動魄忠如王蠋聞而消魂者突然而上達天聽幸蒙天鑒九重爲之改色百爾爲之拊膺趙氏有孤競說忠臣不死堯天共戴能令亡者如生錫之記章鐫諸貞石巋然七尺高爭日月之光觀者萬人猶奮風雲之氣恭逢聖世沐厚澤與深仁更賴賢侯能承流而布化加以銀鈎鐵畫惟茲一千七百之衆姓字常昭縱教物換星移直與一萬八千餘年河山並壽

咸豐辛酉陣亡士卒同治八年奉旨旌表碑今失其處侯考

楊全甫先生墓誌銘

清魏惠倫

公諱知方字且卿全甫其號也行一先世自山西洪洞縣遷於滑之丁將村代有達人太翁邦彥先生尤多潛德以乾隆辛亥生公幼而沈毅及長穎悟過人不屑爲尋章摘句之學援例入成均遇事敢爲雖艱且鉅當之蔑如也固慷慨

滑縣縣志

卷七 藝文 碑誌

十五

河南商務印刷所承印

古烈丈夫哉文謀武略兼之者難公憂士氣不振與官民之不相及也請於邑侯襄坡秦公曰城內創立義學一育才一奉公何如侯曰善道光辛丑州縣承辦祥河工積料侯於此開設總局紳耆分其任民不知勞而事以舉邑侯崑山徐公指增書院經費善後事宜一屬諸紳公認真辦理歷久彌篤其他有利必興有害必除文事之優未易悉數觀於一二大端亦概可知矣咸豐庚申悍民囑聚勢將滋擾人情洵懼莫可方略公相機而動具形稟官設法鎮撫境內以安明年四月東捻入境肆行焚掠無人敢攖其鋒公糾合鄉衆開陳利害得敢戰數千人鼓噪北行羣兇逃竄於是人人思奮各整義旅互爲犄角是我滑之有團練也實自公發之邑侯玉洲徐公據實上聞蒙恩給六品銜賞戴藍翎以縣丞叙用其武略如此視書生紙上談兵臨機寡斷孰得孰失必有能辨之者矣至若救災恤貧排難解紛世每以此多公要皆公之餘也公與人交不解吝惜而自奉儉約布衣蔬食終身不改蓋其清風勁節固有相爲表裏者矣公元

配史安人繼配徐安人又繼配柴安人子三長邑庠生德本次固本三務本俱徐安人出孫七巨榮巨材巨楫德本出巨植巨槐巨樟固本出巨梓務本出公生於乾隆五十六年九月二十七日戌時卒於同治三年歲次甲子二月二十六日卯時享壽七十有四春秋即於是年十月二十七日葬於茲土壬山丙向

銘曰

嶽降崧生允文允武公抱逸才抗心希古未竟其用大有所補後人瞻依一抔之上

故朝議大夫奇才尙君遺愛碑

清柳祖彝

尙君奇才居滑東南鄉之高平以忠信正直急人之急有聲鄉里間昔者漢之八廚若度尙若張邈若王孝胡毋班秦周蕃嚮王章等註曰廚者言能以財救人也若尙君者庶幾近之然八廚以名節相高互相標榜竟成黨禍卒無益於國家以視當比陶猗信若曾史遭逢盛世爲鄉鄰表率有過之無不及也君少

滑縣縣志

卷七 藝文 碑誌

十六

河南商務印刷所承印

席父兄餘資他家門鼎盛恂恂盡子弟職若無大過入者道光丙午丁未年間河朔荐饑道殣相望君發粟以救鄉人籌畫精密措施咸宜人賴以蘇者甚衆自是物望歸之迨至咸豐辛酉君倡修堡寨約數十村團練鄉兵謹條約利器械是年東匪渡至十月西竄回巢同治丁卯冬南匪又自龍門渡河河北千餘里半被蹂躪此區區一隅俱以先期增修之故完守入保絕城窺伺出隊迎剿羣匪遁逃是豈獨桑梓福星抑亦家國保障也乃者年近古稀神明矍鑠方冀天假以年老當益壯不期於壬申年偶得疾病遽至不起其鄉人馮子春膏高子金山等進而請曰尙君逝矣而其德之昭著於耳目者鄉人莫敢忘也願賜之序以永厥傳余因跡其行事撮其大略以示將來君諱穎字奇才以叙議至通判知府銜賞戴藍翎平日周濟親鄰和睦鄉黨解衣推食排難解紛有德於鄉里之事甚多不具書其事之大者轉覺漢之八廚猶有遺憾而公實無稍愧焉是爲序

賜進士出身特授衛輝府滑縣正堂加十級紀錄二十次愚弟柳祖彝拜撰賜
進士出身前貴州即用知縣彰德府學正堂世愚弟張時中拜書并題額大清
同治十二年歲次癸酉陽月上浣穀旦勇字高平團公立
故朝議大夫運同銜補用直隸州峽江縣知縣暴君墓誌銘

清俞 櫛字際市號曲園
滑縣人

君諱大儒字超亭別字梅村暴氏其先山西洪洞人明初遷河南滑縣遂爲滑
人曾祖天民祖宗昌父葵皆以君官贈中憲大夫君弱冠入縣學益自勵夜讀
倦則伏臥檯上轉側墜地復起讀肄業大梁河朔兩書院試輒冠其曹道光二
十四年中式舉人三十年成進士以知縣用掣籤得江西咸豐二年署都昌縣
縣濱鄱陽湖有劇盜恃其險阻不可捕君兩夜馳九十里至其地擒數十人
以歸三年夏粵賊攻省城賊船之往來於鄱陽湖者相望也君聯合其民剪除
其土寇他邑糜爛縣竟獨完時省城被圍文報隔絕君密書上大府備陳賊虛

滑縣縣志 卷七 藝文 碑誌 十七

實巡撫張文懿公大喜自是諸文牘皆密下都昌以行四年受代歸六年以親
老乞終養已而連丁父母憂家居久之十一年春曹澗開十餘州縣姦民結會
爲亂擾及滑東而團練大臣毛公所募勇又潰於獲嘉驛騷於新鄉陽武封邱
而及滑南滑人大聳君飛書徧告諸村莊期會於縣南之黃德集至者數千人
叛者始謂滑無備及至見勢盛籠東四散滑人大喜君曰是非可長恃也創議
築堡堡成四境安堵於是叙君功加直隸州知州銜賜賜羽飾其冠同治二年
免喪還江西巡撫沈文肅公命赴袁州勸捐會憲字營叛勇犯袁州從者皆勸
勿入君馳入袁袁守朱君與其令不相能餉又無所措惟辦一死君曰公患無
餉耶吾所勸捐具在與某令齟齬耶請和解之朱君曰捐資可移用乎公曰移
緩就急胡不可朱君起拜君即往見某令曉以大義守禦相定而叛勇至攻三
晝夜不克袁州獲全詔加運同銜易孔雀翎五年署南城縣七年補授峽江縣
君爲政以通達民隱爲主懸鑼於堂有訴冤者鳴鑼以聞立出爲判曲直又以

公正耆老充里社長勸民輸將不事敲撲田賦畢輸能遣差役五六百人使歸
南畝民以不擾捐奉泉益膏火士益以奮在峽四年以目疾乞歸歸裝肅然其
祖遺田宅當析居時又悉以膏腴讓兄弟暮年惟以教授生徒自給然遇大裨
猶捐金以賑族人焉光緒十四年十二月庚子終於家年八十有一元配宋繼
配徐贈封皆恭人子四人駿圖咸豐九年副榜貢生歷任遂平林縣教諭曠遠
廩貢生候選主事簡雲光緒十一年選拔貢生十四年舉人工部七品小京官
篆雲尙幼孫七人式昭江蘇太湖角頭司巡檢蘇撫以賢員保舉記軍機處存
記式琦早卒式濂國學生式彬式廬式固式翰皆幼孫女六曾孫二諸子以君
與余同歲舉於鄉同成進士故其墓也以狀乞銘銘曰
君貌恂恂若無異於常倫及遇艱阻毅然如忘其身神智煥發膽氣益振用能
除蕪而安民峽江之濱遺愛于春欲知君子之澤請觀其後人
清旌表胡烈女碑

清劉雲卿字瑞峯開州人
光緒己卯舉人

滑縣縣志 卷七 藝文 碑誌 十八

烈女胡姓名荔枝開州庠生允嘯字東岩之第四女幼許字滑屬之時家寒時
氏子年十七于歸有日而時子殤時光緒二十六年十一月初七日也烈女聞
訃神如痴越六日乘間投縵死及棺殮顏色如生家人隱隱聞有香氣殆昔人
所謂以節義死異香滿室者歟州牧唐公詳請各上憲聞於朝表爲貞烈嗚呼
天地正大之氣何不鍾於天下之士大夫而獨鍾於一弱女子也夫君臣父子
夫婦謂之三綱誠使爲人臣者皆以烈女之心爲心世何患無忠爲人子者皆
以烈女之心爲心世何患無孝子爲人婦者皆以烈女之心爲心世何患無守
志全節之名媛也昔歐陽文忠公作馮道傳引王凝之妻謝氏斷臂一事非但
使已死之馮道知愧蓋並諷當時之士大夫耳今朝廷褒一弱女子亦欲使天
下士大夫知所景慕異日將扶大綱仗大義以維持世道人心於不敝也豈非
王化之大端哉開之協鎮黃公與胡君爲通家倡言以女尸歸時合葬於其殤
夫之墓以成死者之志時氏慨然許之送葬之日冠蓋雲集四方來觀者填塞

衢巷咸噴噴稱羨謂兩姓有榮施余乃竊歎此事之足以磨厲末俗也於是作胡烈女碑河間姜孝廉有範司鐸於開闢烈女之義爰爲之銘曰
坤元毓德柔順爲長順行乎健柔繼以剛誓不再纓雖死猶生衆成厥志卜吉同塋烏化比翼枝成連理蕭玉蜚聲鳳凰臺屹滅性還眞表正人倫冰清玉潔用勒貞珉

清癯亭尚公墓誌銘

清楊源懋

字勉齋 號石人 光緒甲辰進士

尚公諱文鑑字癯亭河南滑縣人曾祖諱俊祖諱允恕俱隱君子父諱穎多陰德道咸間賑饑禦寇惠延鄉里以通判加知府銜誥封朝議大夫贈先代如其官初配蕭氏再娶於朱有子四公其叔子也少具大志委心經濟學試於郡輒前列衆謂能繇乃公躅甫冠朱恭人棄世哀泣讀禮三年如一日事繼母劉以順佐父兄理家政以敬族黨稱焉連遭奇才公暨伯仲兄喪哀毀骨立輯睦弱弟扶植猶子鄉人滋敬之光緒戊寅河朔大饑邑令張公邀公襄辦賑務以惠

滑縣縣志

卷七 藝文 碑誌

十九

河南滑縣印務所承印

聞益備備勸操修錄先儒名言以自警不敢惰丙戌黃河漫溢濟滑公倡爲提障之衆恃以不恐其秋河決長垣悍流狂注滑境剗廬舍據田園森茫數十里殫爲河婦稚老弱蒿目柴立假假無所公易賑以餌不瘠而蘇衆爲狂喜聲大和明年丁亥夏河水盛漲公鳩工奔走與隄爲命河以無患而垣隄又決公再捐麥數百石賑邑災會鄭工成徵負薪費徧閭閻公力乞邑令楊公以滑被水請迺免越翼歲庚寅夏六月竟以積勞致疾卒於里第光緒十六年也年五十二子四葆德優行庠生葆初舉人葆書葆源貢成均孫守眞以優貢生膺鄉舉餘皆誦讀不習爲豪公以國學音光祿寺署正職教授承德邸元配李氏繼配袁氏封安人銘曰

滑故豕章濱河之澨毓水在廬命隸穴螿丙戌之秋河伯爲戾鎮激墟突衆心栗栗公思禹溺視公猶私知我悍夫義師稽稽莖以爲干楫以爲壘枕匕絙輒壁立屹屹燦燦蒲隄翰藩攸資諒然奔潰驍憤其軛碎磁鼓怒鹽我腹臍林樛

廬瀕不越之饑公瘠鄉鄰推餽相養人曰再生非公孰界願祝我公長爲滑砥一朝梁壤載歌以涕令聞廣昭迄今未沫我銘此石永詔無既

董康 字叔金 江蘇人

明布衣鄉諡遺烈王公墓表
公姓王氏諱宏德明布衣烈士也始祖諱全由洪武朝自晉遷滑卜居邑東南張三寨遂家焉閱數世至公父自新生公昆仲五人叔季早世伯諱建德邑庠生仲諱有德業儒勳明鼎遷發爲詩歌館同麥唯聞者感泣因觸怒當道與文字獄被捕公悲兩兄鞠育妻孥惟祖禋宗祀是賴己年尙幼無室家累乃上言自承從容赴義事平後墜村西南鄙鄉人憫之諡曰遺烈是用克昌其宗三百年中子孫千禩公之賜也會清社屋越有九載庚申其九世支孫夢齡樹清乃錄公狀述其往事欲勒貞珉以垂不朽可謂飲水知源者矣嗚呼勝清入主中夏動挾私家撰述目爲謗書誅鋤精神靡有孑遺而有明故老耆舊往往結朋協好貞諒同心蹈危履險死生以之肯肯赤族冒白刃而無悔者固不可勝紀

滑縣縣志

卷七 藝文 碑誌

二十

河南滑縣印務所承印

然年甫弱冠激於天性舍生取義以全本支若遺烈公者實亦未遑多見方公兩兄眷懷舊君造言騰布絮亮風軌禍遺覆宗微公殺身成仁固未有流傳至今厥綿若斯之盛也於是援春秋顯微闡幽之義以表其墓曰
於鏢遺烈奔王公伯兮抗節仲也偕同代兄赴義載昌厥宗粵稽名實執德斯宏

表 誤 勘

																				藝文	種類	
																				七	卷數	
	七	七	七	六	六	五	五	四	四	四	四	四	三	三	三	三	二	二	二	一	頁數	
	二二	十六	六	二一	十一	二三	二二	二四	九	八	五	二	二	二四	二一	二十	六	十	六	二	四	行數
	五	二四	二十	二七	五	二九	二四	二十	二三	二二	十九	二八	三	十五	十七	六	二三	六	二	十五	三	字數
	政	坊春	夔	特	缺	獲	下	志		場	籍	六		荆	考	令		惟		阮	誤	
	議	春坊	夔	特	缺	獲	上	山		場	籍	公		荆	考	令		進		阮	正	
									作				下				之		勞	數	漏	
																					多	

																					藝文	種類
																					七	卷數
十八	十六	十六	十六	十四	十三	十三	十三	十二	十二	十一	十一	十	九	八	八	八	八	八	八	八	八	頁數
七	二三	二一	十六	一	二二	十八	六	二四	十七	十四	十四	十二	八	二四	二三	二二	二二	二二	二一	二一	二十	行數
二六	十	二八	七	二十	十二	二四	二五	二十	三	二二	十三	三	五	二七	八	二一	十二	一	七	二五	二十	字數
記		叔		而	俳	間		八		籍	徒	凌		殿	殿	殿	殿		殿	殿	殿	誤
詔		議		行	俳	間		入		籍	從	涼		殿	殿	殿	殿		殿	殿	殿	正
	書		河				公	所以					者				祀				漏	
																						多

